



Valitaziun e promoziun da la scola 2007 - 2010

EFFECTIV
 LEVGIAN
 SIMPEL
 PROFESSIONAL

Nua survegn ins dapli infurmaziuns?
www.avs-gr.ch (Valitaziun e promoziun da la scola /
 Schulbeurteilung und -förderung)

TGENINAS ÈN LAS FINAMIRAS DA LA VALITAZIUN E PROMOZIUN DA LA SCOLA (V+PS)?

Cun in proceder effizient, comunicativ e standardisà vegnan valitads en tuttas las scolas e scolinas ils medems indizis da qualitat. L'inspektorat contribuescha ad in svilup intenziunà da las scolas e promova grazia a V+PS l'egualitad da las schanzas en tut la scola populara.

V+PS porta ina vista exteriura da la scola

Cun il proceder da valitaziun e promoziun da la scola survegn mintga scola in giudicat professiunal ed extern areguard l'instrucziun e l'entira scola. Igl è pussaivel da reconstruir la valitaziun grazia a las datas memorisadas sin in CD-ROM.

V+PS porta trasparenza

Tut ils pertutgads san anticipadamain tge, cura e co ch'el vegn valità. Tut las datas da las V+PS vegnan anonimisadas.

V+PS porta persistenza

Cun V+PS vegnan las scolas assistidas en il process da gestiun da la qualitat interna.


V+PS porta referenzas da basa

Las persunas d'instrucziun, las autoritads e las direcziuns da scola survegnan ina basa ed ils instruments necessaris per garantir la qualitat ed il svilup da l'atgna scola. Tut ils instruments sun vegnids elavurads ensemen cun professiunalists da reputaziun naziunala ed internaziunala.

TGI PARTICIPESCHA CURA A LA VALITAZIUN E PROMOZIUN DA LA SCOLA?

	~ 8 emnas avant Emprim contact cun la scola	~ 6 emnas avant Emprim discours	~ 4-5 emnas avant Introducziun dal team da scola	V+PS en la scola	~ 3 emnas suenter Occurrenza da rapport	~ 8 emnas suenter Discurs da conclusiun
IL/LA PRESIDENT/A DAL CUSSEGL DA SCOLA	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>
ILS/LAS COMMEMBERS/RAS DAL CUSSEGL DA SCOLA	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>
LA DIRECZIUN DA SCOLA	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>
LAS PERSUNAS D'INSTRUCZIUN	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>

CO VEGN STRUCTURADA LA VISITA DA L'INSTRUCZIUN?



CO VEGN SUSTEGNIDA NOSSA SCOLA?

La furmaziun supplementara interna (FSI) è ina part decentrala da la furmaziun permanenta chantunala. Ella stat a disposiziun sche ina scola u in team da scola è intenziunà da cuntanscher ina finamira cuminaivla.



TGE FURMA INA BUNA SCOLA?

QUALITAD DA LA SCOLA EN SURVISTA

Sis secturs da qualitat ed ils pli impurtants indizis da qualitat

2004 – 2006 ● Indizis da qualitat evaluads
2007 – 2010 ● Indizis da qualitat en evaluaziun
2007 – 2010 ▲ Sector da qualitat en evaluaziun



La valitaziun e promoziun da la scola sa basa sin il model Q2E (Qualität durch Evaluation und Entwicklung); dr. Norbert Landwehr / Peter Steiner, Aarau
Funtaunas: Qualitätsrahmen Bertelsmann Stiftung; Fachstelle Externe Schulevaluation Luzern; «Unterrichtsqualität erfassen, bewerten, verbessern», prof. A. Helmke, UNI Landau

TGE OBSERVAIN E VALITAIN NUS?

CLIMA DA SCOLA

Il clima da scola, particularmain la segirezza emozionala e fisica da tut las personas che participeschan a la scola, è ina cundiziun essenziala per instruir ed emprender.

Basegns da las scolaras e dals scolars
Tractament correct
Cuntentezza cun la scola
Stima / fidanza
Sustegn vicendaivel
Relaziun cun fermezzas e deblezzas
Activitads comunablas
Cuntentezza cun la lavur e la professiun

- Las personas d'instrucziun sustegnan in l'auter.
- La cuntentezza cun la lavur e la professiun da las personas d'instrucziun è auta.

MUSSAR / EMPRENDER

A la dumonda «Tge è buna instrucziun?» pon ins responder or da trais perspectivas: quella da la persuna d'instrucziun en l'unitad didactica, quella da proceduras elegidas per guidar l'unitad didactica e quella dals effects da quest'activitad. Mussar ed emprender èn las lavurs centralas da mintga scola. Qua èn sias cumpetenzas principalas.

Direcziun effizienta da la classa (Diever optimal dal temp, clerezza, qualitat directiva)

- Il temp vegn utilisà razionalmain en l'unitad didactica.
- La persuna d'instrucziun intervegna tar disturbis en maniera raschunaivla.

Clima d'instrucziun creativ (Manieras, atmosfera en classa)

- La persuna d'instrucziun e las scolaras e scolars sa tractan cun respect vicendaivel.
- L'atmosfera en classa è agreabla e senza tema.

Emprender activamain (Stimulaziun da las scolaras e dals scolars, gidar tar l'emprender)

- L'instrucziun cuntogna propostas per emprender autonomamain.
- La persuna d'instrucziun dat feedbacks differenziads.

DIRECZIUN DA LA SCOLA

La direcziun da la scola influenzescha en moda e maniera decisiva la qualitat da la scola e determinescha fin a tge punct che las personas pertutgadas pon participar a las decisiuns da prender.

Organisaziun

- La scola vegn dirigida en moda e maniera administrativa e pedagogica.
- La scola ha carnets / quaderns da duairs che reguleschan las cumpetenzas e las incumbensas da tut las parts pertutgadas.

Promoziun dal personal

- Il cussegl da scola u la direcziun da la scola fa discurs individuals cun las personas d'instrucziun en favur da l'evoluziun professiunala.
- Il svilup individual da las personas d'instrucziun profita dals resultats dals discurs individuals.

CUNDIZIUNS DA BASA

Las bunas cundiziuns da basa davart dal Chantun e dals purtaders da la scola contribueschan a garantir ed a sviluppar la qualitat da l'instrucziun e da la scola en general. Reglaments, concepts clars ed infrastructures adattadas, sustegnan las personas d'instrucziun en lur incumbensa d'intermediar cumpetenzas centralas.

Concepts per scola / instrucziun

- La scola dispona da mesiras concordadas per cuntravenziuns disciplinaras.
- La scola dispona d'in concept che regulescha la collavuraziun cun ils geniturs.

MANAGEMENT DA LA QUALITAD / CICLUS DA QUALITAD

Ina valitaziun externa da la qualitat da la scola sustegna, en cas ch'ella succeda systematicamain e periodicamain, las scolas en la realisaziun da lur finamiras qualitativas. La gestiun da la qualitat daventa uschè ciclica ed ella sa basa sin ils indizis da qualitat illustrads en la tabella «Tge furma ina buna scola?»

Feedback individual

- Jau dumand areguard mi'instrucziun en diversas modas e manieras feedbacks da mias scolaras e da mes scolars.
- En il decurs d'ospitaziuns vicendaivlas survegn jau feedbacks che sa basan sin criteris stabilids ordavant en merit a mia moda e maniera da dar scola.